

“Mbouj byaij henz Dahsau, mbouj gwn noh yiengzndaem, couh lumj caengz daengz singz Majsanh.” Coenz vah neix dwg vunz Majsanh ciengz aeu daeuj gaisau gij ndeiyoux ndeigwn hawj bouxhek diegrog.

Majsanh dwg ranzmbanj yiengz-ndaem, gij mingzdaeuz yiengzndaem cienz daengz gyaе’ gyaе gyawjgyawj. Dahsau con gvaq ndaw singz, song henz dah gofaex heusau, gyanghaemh lohdaeng hoengzhoengz loegloeg, daj gwnz dingj laeuz yawj roengzbae, diuz dah neix ngutngut ngeungeu, gyaеundeі raіxcaіx. Mboujdan dwg yienghceij de ndeiyoux yinx vunz, caemhcaiq gij gyaеundeі de dwg liggaiq cwngfuj caeuq sam fanh lai lwgminz caez roengzrengz cauhyuh, neix hawj vunz gig gamjdoengh.

Dahsau cib geij bi gonq yakyawj dangqmaz, raemxdah noix, gwnz dah nyapnyaj fouzbiengbieng, rin laj dah youh lai youh cab, hix mbouj miz maz bya youq, henz dah go’nya mwncum, nyapnyaj baenz dong, haexma haeu-saeng, gig noix miz vunz daeuj youzbyaij.

Dahsau yakyawj neix seizlawz cij bienqbaenz duz funhgim ha? Neix dwg gij indot ndawsim lwgminz ndaw singz. Gaijgwz hailangh cib geij bi, riengz dwk daihgya saedceij yied daeuj yied ndei, vunz lai yaek aeu vanzging ndei, youq ndaej cwxcaih, ranzmbanj gyaеundeі.

Vihliux gaijbienq gij yienghceij Dahsau, daengx yienh ganbu ciz-gungh, lauxsae hagseng doengzcaeuz okrengz, roengz ndaw dah bae gip rin, canj deuz namhmet ndaw dah caeuq go’nya henz dah, cingleix nyapnyaj. Laebdaeb guh 18 ngoenz hong,

Dahsau Gyaеundeі

美丽的姑娘江

dauqdaej duet deuz geu buh gaeuq Dahsau, geu buh gaeuq neix de daenj ndaej buenq seiqvunz lo, caen dwg youh uq youh haeu. Ciepdwk, guh bingz henz dah, vat gumz ndaem faex, laebbaenz suenva ndaem gova go-nywj, hawj Dahsau daenj hwnj geu buh heuswd moqsak lo.

Gaxgonq Dahsau cawz giz gyawj singz cungsim ci ndaej hai bae, vunz ndaej byaij gvaq, henz dah gizwnq go-nya beij vunz lij sang, rin gveng baenz dong, roen mbouj doeng, bienq-baenz giz gungx deng vunz vut nyapnyaj.

Vih caezcienz gij gyaudoeng song henz Dahsau, vunz lai youq song henz dah coihlaeb haenzhoh, laeb-baenz roen ci hai caeuq roen vunz byaij, lij youq baihgwnz dah laeb hwnj aen giuz hung ndeu, youq giz cungqgyang laebguh aen giuzfwnrumz, lij dauqungz coih geij aen giuz gaeuq, gij giuz neix ndaej gya’ gvangq caeuq gaijndeі liux engqgya ndei yungh, caiq hix mbouj yungh yousim saek ci gvaq mbouj ndaej lo, hawj lwgminz baedauq song henz dah gig fuengbienh.

Doeklaeng dwg caep fai gyaeng raemx, hawj raemxdah lai sang mij ndeu yienghneix. Lij youq song henz dah bu cienraiz, laeb lanzganh fuengzhoh, an lohdaeng, fuengbienh vunz lai haethaemh youzbyaij.

Dahsau cienzmienh cingjeix le,

raemx bienq sawndikndik, bya youq ndaw dah youz bae youz dauq, gofaex heuswdswd. Song henz dah, gyang-ngoenz ci baebae dauqdaeuq, gyang-haemh vunz baenz gyoengq baenz bang youzbyaij, ngonzyawj funghgingj, ganggangj riuriu, sim angq ndang cangq, gvaq ndaej gig cwxcaih.

Geij bi daeuj, youq henz Dahsau gawjbanh hozdung guhcaemz guh-angq lai cungj lai yiengh, miz gij hozdung ciengq go diuqfoux, miz gij hozdung dwkgienz cangq ndang, hix miz gij hozdung doxdax roq gyong daengjdaengj. Gij hozdung sanghyez senhconz hix youq henz haw nauhyied gyawj henz dah guh hwnj. Henz Dahsau laebbaenz diyzuz gvangcangz caeuq diyzuzgvanj, gaenh bi daeuj gak cungj daihgingz vwnzyi biujyienj hozdung hix youq gizneix gawjbanh.

Dahsau hix dwg boux cienzboq vwnzmingz ndeu. Cwngfuj youq song henz dah guh banjbau senhconz, lumj gimqdoeg senhconz, gijgwn ancienz senhconz, angqhoh ngoenzciет hoz-dung senhconz, cauhyuh aen singz ndoengfaex saekloeg senhconz daengj cungj nanz mbouj nanz couh youq gwnz banjbau okyienh. Song henz Dahsau laebguh haujlai daengsieng daeuj senhconz vwnzva, gwnz daeng-sieng ciengz yawjraen lumjbaenz “Cauhyuh aen singz vwnzmingz”、

“Henhoh vanzging, bouxboux ok-rengz” gij coenz neix. Lij laeb aen denswj yienjjsiq bingzmuq daeuj yawhbaeq dienheiq ngoenzlaeng caeuq cienzboq vwnzva saenqsik, lij miz aen daihgingz denswj senhconz lanz dem.

Daengz gyanghaemh, mbwn ngamq laep, daeng baez rongh, youq henz Dahsau youzbyaij, aen doek aen daengsieng hoengzgywg ronghsag, yienjok gak cungj gij dozanq senhconz, hawj vunz gamjdaengz gij heijsik vwnzva gig noengznwd. Song henz Dahsau cang gvangjbo hauhdoengz, bingzciengz haethaemh boq sinhvwnz cezmuз caeuq go soengswt vuenheij, youq ngoenzciет couh lwnh hawj gyoengqvunz gij cingzgvang hozdung angqhoh. Neix hawj vunz roxnyinh simsoeng vaiqvued, engq hawj vunz youq sim maez seiz menhmenh byaij haeuj gij swnghoz gizneix.

Dahsau mboujdan dwg aen gingjsaek gyaеundeі singz Majsanh, lij dwg bouxvunz cienzboq cingsaenz vwnzmingz. Vunz gizneix dawz Dahsau baenz naedcaw gwnz fwngz caeuq dahlwg daeuj ganqhoh. Doeklaeng cwngfuj lij yaek youq gwnz Dahsau caiq laebguh geij aen giuz, aen suen baijok ndaek rin geizheih, aen laeuz baijok gij doxgaiq Majsanh caeuq gaisau gij gingjsaek bonjdieg, aen daizheiq ndeu, caiq cang gij ranz song henz dah, bienqbaenz diuz gai miz minzcuз daegsaek ndeu, hawj gij vwnzva Majsanh caeuq gizwnq youq henz Dahsau doxhuz, itheij majrag, hwnghfat.

(Vangz Gyanghmyauz)

Bet Nyied Cibngux Hawj Gou Gig Nanzlumz

难忘的中秋节

□ Vangz Fungmiogz / 黄凤明

Ciet Cungguek raeuz lai baenz-maz, gou ceiq maij bet nyied cibngux! Aenvih ngoenz ciet neix dwg ngoenz ciet caezcomz, dwg haemh yawj ronghndwen ceiq gyaеundeі ndeu, dwg ngoenz gou nanzlumz ndeu.


Binaengz daengz ngoenz neix, Bouxcuengh raeuz gwn caeuz liux couh bae eufwen, diuqfoux, yawj ronghndwen, bineix hix doxdoengz.

Gwn caeuz liux ndaej yaep ndeu, dou couh bae gwn nyiedbingj yawj ronghndwen. Ronghndwen lumj dah iq najmong myatmyat, yaepbiengbieng daj byaibya hwnjdaeuq, gyoengqvunz couh humx hwnjdaeuq fwngz caeuq fwngz diuqfoux Dohyeh. Ronghndwen lumj aen buenz luenz lwenq nei venj youq gyangmbwn, lwenqda dangqmaz. Vunzmbanj couh ndwn youq song

mbiengj eufwen.

Moix hot fwen neiyungz baenzlai. Haenh aen cwngeuz ik beksingq dangj ndei hix miz, gangj gij gunghcoz cingcinj fuzbinz hix miz, naeuz seizneix lwgminz gwndaenj vuenyungz hix miz, lwnh lwgbawx lajmbanj hauqswnh goengbuz hix miz, dwen lajmbanj seuqsat gyaеundeі hix miz…… Baenz cien baenz fanh, eu mbouj liux, eu mbouj caenh.

Gyoengqvunz eufwen diuqfoux baeg le couh naengh roengzdaeuj yietnaiq, doq gwn nyiedbingj doq yawj ronghndwen. Bang lwgnyez seizgonq youq henz guhcaemz, seizneix gyoengq bouxlaux couh heuh gyoengqde gvaqdaeuj, son gyoengqde eufwen, doeklaeng bouxlaux caeuq lwgnyez caiq guhdoi eu aen fwen ndeu.



Yangzsoz Dahyilungz.

Dahfanz ingj

Daengx mbanj nauhyied dangqmaz.

Yawjraen aen ciengzmienh neix, gou ngeix daengz gou lij iq seiz, guek raeuz mboujcaengz gaijgwz hailangh, seizhaenx haeux gwn mbouj imq, haemh bet nyied cibngux, daengx ranz vunz gwn caeuz liux couh aeuq duhndaem, guh ceizduh aen hung lumj bingzgoj nei, ndawde maz cungj mbouj miz. Daengz haemh bouxboux

cungj youq naj ranz gaet ceizduh yawj ronghndwen, ceizduh gyoetget yakgwn, singriu hix mbouj miz, gvaq ndaej gig yakyouq.

Seizneix saedceij ndei lo, daengz ngoenz ciet neix, gyoengqvunz cungj gvaq ndaej nauhaenfaen, gou siengi ciengxlwenx ndaejgeiq ngoenzneix, ndaejgeiq gij ndwenngoenz seizneix miz gig ndei, mbouj aeu lumz!